




48







HARVARD-YENCHING LIBRARY
HARVARD UNIVERSITY
2 DIVINITY AVENUE

From Countway Lib
OCT 31 1999

赤水玄珠第二十九卷目錄

外科小引

五發癰疽論

背疽其源有五

疔瘡

雜瘡

癰

瘡科總論

華佗癰疽瘡腫論



五發癰疽通治方

反花瘡

婦人陰瘡

臙瘡

赤水玄珠第二十九卷

外科門小引

新安生生子孫一奎著解

生生子曰外科最重者莫如癰疽最急者莫如喉
風疔腫患之者生死立見其餘瘡癩皆可緩圖
非若上三証急若風火也究其受病之源經曰
營氣不從逆于肉理乃生癰腫又曰膏粱之變
足生大疔又曰六府不從留結為瘡又曰諸痛
痒瘡瘍皆屬心火大抵皆氣血虛弱蘊鬱熱毒

調養失宜之所致也予固非專門外科蓋常咨訪推究頗知治法大躰茲採前人所論癰疽証治載列卷首疔瘡腫瘍次之陶節庵癰疽經薛立齋外科精要二書實外科權輿業是者不可不使之隨囊檢視能熟此二書鮮有敗事予固特舉歷試有功者揭出以告同志云

瘡科總論

夫癰疽瘡癤者皆由氣血不和喜怒不時飲食不節寒暑不調使五臟六腑之氣怫鬱于內以致陰陽乖錯氣血凝滯而發也亦有久服丹石燥熱之藥熱毒結深而為癰疽也夫癰疽之疾多生於膏粱富貴之人以其平昔所食肥膩炙燻安坐不勞嗜慾無節以致虛邪熱毒內攻煎熬氣血而成也癰者壅也大而高起屬乎陽其脉浮數疽者沮也平而內發屬乎陰其脉沉數瘡者總名也癤者有頭小瘡也經云諸痛痒瘡皆屬心火蓋心主血而行氣若氣血凝滯挾心火之熱而生癰疽之類也然所感有淺深故所發有輕重大小之不同也六

府積熱騰出於外肌肉之間其發暴甚皮腫光軟
侵袤廣大者癰也五臟風毒積熱攻注於肌骨其
發猛惡初生一頭如痞癰白色焦枯觸之而痛應
心者疽也熱焮於皮膚之間浮腫根小不過二三
寸者癰也夫癰發於六府若燎原之火外潰肌肉
疽生於五臟沉澁難療若陶室之燧內消骨髓癰
則易療惟難將息而遲瘥疽則難療而易痊夫諸
瘡之中惟背疽疔瘡最為急症其次莫如腦疽腸
癰喉癰之類亦其急者也至若癩癰懸癰痔漏諸

瘡之類其証可緩而治也又有疥癬癰瘡風疖之
類雖云俱屬瘡類而其輕重緩急自有不同也夫
癰疽之疾要須察其是虛是實是冷是熱或重或
輕對証用藥無失先後次序凡人年四十以上頭
項髮頤背脊腰脅或筋骨之上所視不見之處稍
有瘡癰便不可輕易待之若視之怠慢以為常疾
每見至微至著喪命者多矣便宜速急治之庶幾
得救譬之救火初起則易救至于燎原之勢不可
撲滅矣其理亦由是也凡瘡未破毒攻臟腑一毫

熱藥斷不可用此是先後次第之妙訣也夫瘡有五善七惡不可不辨若動息自寧飲食知味一善也便利調勻二善也膿潰腫消色鮮不臭三善也神彩精明語聲清亮四善也躰氣和平五善也如煩躁時嗽腹痛渴甚泄利無度小便如淋一惡也膿血大泄焮痛尤甚臭惡難近二惡也喘粗短氣恍惚嗜卧三惡也未潰先黑久陷面青唇黯便汚者四惡也肩項不便四肢沉重五惡也不能下食服藥而嘔食不知味六惡也聲嘶色脫唇鼻青黑面目四肢浮腫七惡也更有氣噫痞塞欬逆身自汗無時目瞪耳聾恍惚驚悸語言頻錯皆惡也五善見三則差七惡見四必危若五善并至則吉而安七惡全見必危而死矣已上所論大綱其諸証候治法列論于後

五發癰疽論

夫五發癰疽者謂發背發腦發鬚發眉發頤是也人之一身血氣周流而無間稍有壅聚莫不隨所至而發焉又豈特五者哉夫發背者乃五臟風熱

六府邪毒灌于筋骨之間發于經絡之內榮衛虛損氣血衰殘所致也其發初如粟米大最不可輕忽後必大發也若初起紅腫高起者後必不為害故曰外形如粟中可容谷外貌如錢裏可着拳如惡毒深滿膿血交粘用藥可痊若膿臭穢無絲此血敗氣衰陽絕陰盛必難療理治初起或陰塌不起便可用艾多灸或隔蒜灸之如痛灸至痒如痒灸至痛此最妙法也若疽瘡已成亦可用火針烙開瘡口則易治也苦瘡

疽則難治瘡疽形症已具前總論中茲不復論至如發腦發眉發鬚發頤地位不同然皆由內臟伏陽結滯邪毒上壅隨其經絡地分而發也其諸發瘡初起皆宜宣散熱毒要須看人元氣虛實而治之庶不悞矣若元氣實者亦可用大黃之劑泄去毒氣或用漏芦五香連翹之類皆可用內托十宣之類補之亦有陰瘡寒塌不起雖云用灸然亦不可服寒涼之劑亦宜以煖藥溫之全在活法不可執一也其敷貼洗藥具方于下隨症用焉

外科精要曰癰疽既灸即服藥以護腑臟如護心散凡有疽疾早進數服使毒氣外出而無嘔吐之患否則咽喉口舌生瘡或黑爛如菌若瘡發四五日之後宜間用別藥治之

又曰護心散乃解金石發疽之藥若發熱焮腫作渴飲冷而嘔者宜之若發熱焮腫作渴飲湯而嘔者不宜用之蓋脾虛停痰或寒邪內侵或痛傷脾胃宜用六君子湯若喉舌生瘡或口乾作渴或小便頻數宜用六味丸大凡諸瘡作嘔若飲冷便秘

是熱毒也黃連消毒散解之飲冷便和是胃火也竹葉石膏湯清之懶食飲湯是胃虛也補中益氣湯補之大便不實喜飲熱湯是脾胃虛寒也六君子加炮姜以溫之常見脾胃虛弱者用護心散反致胃寒嘔惡其喉舌生瘡乃腎水枯涸虛火炎上其証甚惡急用加減八味丸多有得生者又曰癰疽嘔逆是毒氣沖心非脾胃之冷當服內托散楊氏云鼻衄初愈不曾表汗毒在經絡則背大疽自肩下連腰脇腫硬如石其色紫黑以涼藥

投之終夜大嘔連進托裏散嘔止瘡潰赤水淋漓
四十日而愈又有患瘰者痛過輒嘔服托裏即止
今有疽病不服此藥者故引楊氏之言以解世人
之惑

華佗瘰疽瘡腫論

夫瘰疽瘡腫之作皆五臟六腑蓄毒不流非獨因
榮衛壅塞而發也其行也有處其止也有歸假令
發於喉舌者心之毒發於皮毛者肺之毒發於肌
肉者脾之毒發於骨髓者腎之毒發於下者陰中
之毒發於上者陽中之毒發於外者六腑之毒發
於內者五臟之毒故內曰壞外曰潰上曰從下曰
逆發於上者得之速發於下者得之緩感於六腑
則易治感於五臟則難瘰又近骨者多冷近膚者
多熱近骨者久不愈則化成血蟲近膚者久不愈
則傳氣成漏成虫則多痒少痛或先痒後痛成漏
則多痛少痒或不痛不痒內虛外實者多痛少痒
血不止則多死潰膿則多生或嘔逆無度飲食無
時皆瘰疽使然症候多端要當詳治

薛立齋曰瘡瘍生虫乃肝經風熱其成漏乃元氣
虛弱其出血乃脾虛有火其潰膿乃元氣充實至
於嘔逆等証屬脾胃虧損所致當調補元氣庶保
無虞

背疽其源有五

一 天行二瘦弱氣滯三怒氣四腎氣虛五飲冷酒
食炙燻服丹藥

治癰疽用藥大綱

一 初患癰疽便服內托藥以免後來口舌生瘡仍
用騎竹馬或隔蒜灸

一 服五香連翹湯如大便疎快即止仍量人虛實

一 癰疽潰後宜服排膿內補散若嘔逆木香湯下

一 癰疽初作便宜灼艾及麥飯石膏塗四圍中留

口出毒如瘡小通傳之既潰用神異膏帖之

一 癰疽已潰日用猪蹄湯淋洗將愈之際三日一
次

一 癰疽將斂宜用神異膏如毒未盡不可遽用生
肌之劑

一癰疽將安宜用加味十全湯補其氣血度肌肉
易生

一背疽多先渴而後發或先疽而後渴不救者多
矣若服加減八味丸非特絕渴疾抑亦大滋
氣血生長肌肉

一癰疽嘔逆有二一因初發不服內托散伏熱在
心一因脾氣不正伏熱在心者則心煩身熱焮
腫作痛宜用內托散三兩服之脾氣不正者則
不煩熱或聞穢氣作嘔宜用嘉禾散如有寒熱

用不換金正氣散五更初兼服山藥丸以補腎

癰疽用香藥調治論

伍氏曰氣血聞香則行聞臭則逆大抵瘡瘍多因
營氣不從逆於肉理鬱結為膿得香則氣血流
行故服五香連翹湯萬金散金粉散凡瘡本腥
穢又聞臭觸則愈甚若毒入胃則咳逆古人用
之可謂有理且如飲食調令香美以益脾土養
其真元可保無虞矣

五發癰疽通治方

漏芦湯 治一切惡瘡毒腫丹瘤瘰癧疔腫魚臍

五發癰疽初覺一二日便如傷寒頭疼煩渴拘

急惡寒肢體疼痛四肢沉重恍惚悶亂坐卧不

寧皮膚壯熱大便閉瀉小便赤黃並皆服之

妊婦勿服 漏芦 白欵 黄芩 麻黄去節

枳實炒去白 升麻 芍藥 炙甘草 朴硝各二兩

大黃二兩 右每服三五錢看虛實用水煎空心

熱服

五香連翹湯 治諸瘡腫初覺一二日便厥喉咽

塞發寒熱 乳香 木香 木通 大黃各一錢半

連翹 沉香 獨活 葉寄生 丁香 射干

升麻 射香另研各一錢 甘草五分 姜三片水煎

不拘時服

托裏護心散 治諸疔腫發背曾經汗下毒氣攻

心迷悶嘔吐而痛可服二三服 乳香一兩

菴荳粉四兩 和勻每服三錢甘草湯調服

神仙蠟礬丸 此藥不問老幼皆可服之服至一

兩已上無不取効最止疼痛不動臟腑委是神

効活人不可勝數

白礬明亮者一兩研

黃蠟七錢

提起待少冷入礬末不佳手攪勻

右衆手丸如梧桐子大倘

蠟冷不能丸以滾湯頓之便軟每服二十九漸加至三四十九白湯或酒吞下如未破即內

消已破即便合如服金石發動致疾更用白礬

末一兩匙頭溫酒調下亦三五服見効有人遍

身生瘡狀如蛇頭服此亦効諸書皆稱神奇但

一日之中服近百粒則方有功此藥能防毒氣

內攻蓋能護膜也切不可欺其淺近而忽之始

終服過半斤必能萬全瘡愈後服之尤佳

一方治蛇咬只融化白礬乘熱滴傷處痛即止毒

氣即趕出立見効驗要知白礬大能解毒也

千金托裏散 治一切瘡腫發背疔毒若氣血虛

而不能作膿或潰後膿清痛仍不減最宜服此

便能排膿止痛 黃耆一兩 厚朴 防風

桔梗各二兩 連翹二錢 木香 沒藥各三錢

乳香二錢 當歸五錢 川芎 白芷 芍藥

官桂 人參 甘草各一兩 右為細末每服三

錢酒一大盞煎三二沸溫服

十六味流氣飲 治無名惡瘡癰疽等症 川芎

當歸 芍藥 防風 人參 木香 黃芪

官桂 桔梗 白芷 枳殼 厚朴 烏藥

紫蘇 只壳 甘草各一錢 右作一帖水煎食遠服

內托羌活湯 治尻臀生癰堅硬腫痛大作

羌活 黃柏酒製各二錢 防風 歸尾 藁本

連翹 蒼朮 陳皮 炙甘草各一錢 肉桂三分

黃芪半一錢 水一鍾酒半鍾煎八分食前服

清心內固金粉散 一名金花散 專治惡瘡熱

盛欬痛煩躁作渴此藥鮮毒 辰砂研另 白茯苓

人參 甘草各三錢 葶苈粉四兩 雄黃一錢 冰片

白芷仁 朴硝各五錢 射香與冰片各一錢另研 右以參

苓苴菟為末入研藥和勻每服一錢半蜜湯調

麥飯石膏方又名鹿角膏 白麥飯石其石顏色黃白像麥

飯團者研細末所用鹿角要生者自解者不用截作二三寸長炭火內煨令烟盡為度研末

白欵末為細末 右將麥飯石用炭火煨紅以好

米醋淬之如此煨淬十次研為極細末每用二

兩白欵末二兩鹿角灰末四兩同入乳鉢乳令
無声方有效驗若研不細敷上作痛若研得極
細如眼藥一般極能止痛排膿收口量藥末多
寡用經年好米醋入銀石器內煎令魚眼沸却
旋々入前三味藥末在內用竹篦子不住手攪
熬一二時久令稀稠得所傾出磁盆候冷以帛
蓋密勿惹塵灰每用時先用猪蹄湯洗去癰瘡
上膿血至淨以故帛挹乾以鷲翎拂藥膏塗敷
四圍凡有赤處盡塗之但番中心一竅如錢大

吹出毒氣膿血如瘡未潰能令內消如已潰則
排膿如湍水逐日見瘡口收欵如患瘡久肌肉
腐爛筋骨出露用舊布片塗藥以貼瘡上但肉
膜終穿亦能取安洗瘡勿以手觸動嫩肉仍忌
口氣及有腋氣之人并月婦皆令忌之 此方
但得好帶蓋鹿角好麥飯石精度修合勝用他
藥多矣仍可熬取好米醋一大碗候逐日用藥
於瘡上俟乾便以鷲毛蘸醋拂潤勿令緊也初
用須一日一洗換十日後兩日一換

排膿內補十宣散一名十奇散治癰疽瘡癤未成

者速散已成速潰敗膿自出無用手擠惡肉自

去不用刀針服藥後其痛頓減效驗如神

人參 當歸 黃耆各二兩 甘草 川芎 防風

厚朴姜汁炒 苦梗 白芷 薄桂各一兩 右為末每

服三錢酒調下日夜各數服以多為妙服至瘡

口潰更服為嘉不飲酒人濃煎木香湯調下然

終不若酒力之勝或飲酒不多能勉強以木香

湯煎酒調下亦可

乳香黃耆散 治一切惡瘡癰疽發背疔瘡痛疼

不可忍者或未成者速散已成者速潰不假刀

砒其惡自下 又打撲傷損筋骨疼痛並皆治

黃耆 當歸 川芎 麻黃去根 甘草 人參

芍藥各一兩 嬰粟壳蜜炙 陳皮各一兩 乳香 沒藥

各五錢 每服五六錢水煎服

黃耆湯 治一切瘡腫癰疽並宜服之

黃耆 川歸酒洗各一兩 大黃 芍藥 陳皮

炙甘草各五錢 右加生姜三片水煎服

托裏內補散 專治一切惡瘡潰爛出膿之後宜服之

人參 川歸 川芎 白芍 甘草 白芷

防風 白朮 茯苓 官桂 黃耆 金銀花

各等分水煎服

護心散 治瘧氣冲心嘔吐又名不 炙甘草

硃砂飛各錢 芫荳粉炒二錢 為細末作一帖白湯調下

當歸連翹散 清熱解毒通潤大小便 當歸

連翹 梔子仁 芍藥 金銀花各一兩 黃芩五錢

右每服五錢水二鍾煎七分空心溫服如欲通

大便加大黃二錢待藥煎將熟入之再煎一二

沸服之

托裏散 治一切惡瘡發背疔疽便毒始發脉洪

絃實救腫甚欲作膿者 當歸 括萎根一錢

大黃三錢 皂角刺 牡蠣 朴硝 連翹各一錢

金銀花 赤芍藥 黃芩各一錢 水酒各一鍾煎

乳香止痛散 治一切瘡腫疼痛不止

乳香 沒藥各一錢 丁香五分 粟壳 白芷

陳皮 炙甘草 水煎服

加味當歸飲子 古云諸瘡皆屬心火，鬱則發

之 當歸 生地 升麻各五錢 防風二錢半

荆芥穗 何首烏各一錢 柴胡 白芍藥 川芎

羌活 黃耆各三錢 紅花 蘇木 甘草各一錢

每服五錢 生姜三片 煎或沐浴取微汗 効速使

血氣通暢 服藥應効

托裏溫中湯 治瘡為寒變而內陷者 膿出清解

皮膚涼心下痞滿 腸鳴切痛 大便微溏 食則嘔

氣短促 吃逆不絕 不得安卧 時有昏憤

丁香 沉香 茴香 陳皮 益智仁各一錢

木香一錢半 羌活 良姜炮三錢 黑附子炮去皮 臍四錢

炙甘草二錢 姜三片 水煎服 忌生冷

猪蹄湯 治一切癰疽并諸腫毒 消毒氣去惡肉

凡瘡有口便 須用此湯洗 黃芩 白芷

赤芍藥 川歸 羌活 生甘草 露蜂房有蜂

兒者各等分 先將豬前蹄兩隻重一斤 只用白

水三升 煮軟 將汁分作二次 澄去面上油 并下

肉渣 每次用藥一兩 投于汁中 再用文武火煎

十數沸去渣以故帛蘸湯溫徐揩瘡上死肉
惡血隨湯而下洗淨訖以帛拭乾仍避風忌人
口氣吹之有狐臭人及月婦猫犬並不宜入病
人房中洗瘡切忌手觸洗疽之方甚多惟此方
極効其用露蜂此甚有理蓋以毒攻毒也
麥門冬湯 瘰癧潰後膿水不絕 麥門冬
黃耆 五味 人參 官桂 當歸 遠志
白苓 芎 各一兩 炙甘草 三錢
姜一片束二 以水煎

四虎散

治發疽腫硬厚如牛皮按之痛

天南星 草烏頭 半夏用生 狼毒

各等分為細末醋蜜調敷罨頭出氣

內托散

諸腫毒惡瘡一服立愈

便毒尤効

大黃

牡蠣各五錢

甘草

三錢

括萎仁

二兩

兩如無用
子亦可

右分三帖水煎服

鉄井欄

治無名腫毒背疽以此圍之罨口出氣

芙蓉葉

重陽前收

蒼耳

端午前收
燒存性

為末以蜜水

調上

五香湯

諸瘡入腹托裏

丁香

木香

沉香

乳香

各一兩

人參

另加一兩

射香

三錢

嘔惡者去之

右為細末每服三錢水一盞煎六分空心熱服

總錄聖惠千金外臺治諸瘡腫方中皆載此方

大同小異大抵專治毒氣入腹煩悶氣不通者

其餘熱結昏昧口燥咽乾大便硬小便澀者未

可與服

止痛當歸湯

治腦疽發背穿潰疼痛

當歸

黃蓍

人參

官桂

芍藥

炙甘草

生地

各一兩

每服五錢水煎服

金銀花散

發背惡瘡托裏止痛排膿

金銀花

無花藤葉代之四兩

甘草

八錢

分為三帖酒水各半煎服

拔毒散

治熱毒丹腫遊走不定

寒水石

生用

石膏

生用各四兩

黃柏

甘草

各一兩

為細末新汲

水調掃之或油調塗之或帛花上攤貼以凉水

潤之

寸金丹

二名返魂丹三名再生丸四名追命丹

六名來甦丹七名知命丹八名得道丸非人勿

示若有人患瘡身未爛者與三九服之嚥下便

活如口噤斡開研化灌之下喉立生治發背腦
疽癰腫遍身附骨腫痛先覺時飲水口中煩渴
發熱四肢沉重身軀壯熱 射香一分 乳香

輕粉 烏金石 雄黃 狗宝 沒藥各一錢

鑿酥二錢 粉霜 黃蠟各三錢 硃砂五錢 鯉魚胆

乾用 狗膽各一枚 頭男胎乳一盞金頭蜈蚣七條

酥炙全用 右俱為細末以黃蠟熬成膏子和勻為

丸菘荳大小兒丸如芥子大每服一丸病重者

加三丸白丁香七枚研爛新汲水調送下被蓋

出汗勿令透風凡服藥後喫白粥瓜瓞就睡大

妙頭瘡腫痛不過三服

定痛托裏散 一切瘡腫疼痛不可忍如年少氣

實先用疎利後服此藥 川芎 川歸 乳香

白芍藥 沒藥與乳香各一錢半 官桂一錢 御米壳去筋炒

二錢 水煎服

柞木飲子發背癰疽已成未成並宜服之

乾柞木葉四兩 乾荷葉心蒂 萱草根

甘草節 地榆各一兩 右為末每服五錢水煎服

早晚各進一服

丙托千金散 癰疽發背腦疽乳癰諸瘡癰未成

者自散已成者即潰 人參 川歸 黃芪

川芎 防風 白芍 官桂 桔梗 白芷

甘草 括萎 金銀花 各等分 痛甚者加

當歸乳香沒藥芍藥 每服七八錢水煎臨服

加好酒半盞溫服日進二三服若瘡口有黑血

出及有汗出者此藥之功也

牛膠飲 截癰疽惡瘡發險處服之使毒氣不攻

於內不傳惡証 牛皮膠 通明好者淨洗 乾秤四兩為則

右用酒一碗入膠納重湯頓令膠撓勻傾出更

浸酒隨意飲尽若善飲者以醉為度亦用酒煎

却浸以白湯飲尽為佳此法活人甚多

國老膏 一切癰疽俱發預期服之能消腫逐毒

使毒氣不內攻功效不具述 大甘草 有粉者 二斤

槌令碎河水浸一宿揉令漿汁膿去渣再用綿

濾過銀石器內慢火熬成膏以磁罐收之每服

一二匙無灰酒侵入或白湯亦可不拘時服曾

服丹劑燥藥亦解之或微利無妨

遠志酒 一切癰疽發背惡毒有死血陰毒在中

則不痛敷之則痛有憂怒毒氣積而內攻則痛

不可忍敷之則不痛或熱蘊在內熱逼人手不

可近敷之即清涼或氣虛血冷潰而不斂敷之

即斂 此乃韓大夫宅用以救人極驗若七情

內鬱不問虛實治之必愈 遠志米泔浸洗去心苗

右為細末酒一盞調藥末三錢遲頃澄清飲之

以渣敷病處

忍冬酒 癰疽發背初起時便當服此不拘疽發

何處及婦人乳癰服之皆有奇効外以麥飯石

膏及神異膏塗之其効若神 忍冬藤生取一

大握以葉入砂盆內爛研入好酒或生酒尤佳

調和稀稠得所塗敷四圍中心留一大竅出氣

仍用忍冬藤五兩用木槌微搗不可碎甘草節一兩

右入砂瓶內水二碗文武火慢煎至一碗入

無灰好酒一大碗再煎十數沸去渣分為三次

服一日服盡如病勢重一日夜再進一劑服至

大小腸通利藥力乃到 若無生者用乾者終
不及生者力大而効速其功勝於紅內消

神仙截法 癰疽發背一切惡毒預服此藥毒氣

不內攻可保無虞 真麻油 一斤銀石器煎十數沸傾出冷用

右以無灰酒兩碗侵入油重湯温稍熱通口急

服一日尽之為妙或疾發數日者亦宜急服之

佳此法乃吳侍御家云三代用之無不驗又聞

獵者云凡悞中藥箭急飲麻油則藥毒不行後

於西山親見一人被虎箭穿股叫號不忍急以

此灌之良久遂定又聞鄭學諭曾用之効

黃耆丸 治因用針砭傷其經絡白濃赤汁逗流

不止 生黃耆 錢八 川歸 錢三 木香 沉香

肉桂 乳香 各錢 右諸香並不見火為細末用

荒荳粉生薑汁煮糊為丸梧桐子大温水吞四

五十丸

忍冬丸 療渴疾既愈之後須預防發癰疽大宜

服此 忍冬藤根莖花葉皆可用以無灰好酒

浸以糠火煨一宿取出晒乾入甘草少許研為

細末以所浸酒打麵糊為丸梧桐子大每服五十丸至百丸不拘時酒飲任下 此藥不特治癰疽大能止渴并治五疔諸癭等疾

援生膏 治諸般惡瘡及癰癤鼠瘻絲起者點破

即愈 血竭 乳香 沒藥 各一錢 蟾酥 輕粉各三錢

雄黃 五錢 射香 五分 右用蕎麥稽灰或真炭灰一斗

二升淋灰湯八九碗用栗柴或葉柴文武火煎作三碗取一碗收留二碗盛於好磁器內候溫將前七味藥研為極細末入灰湯內用鉄瓢或

葉柳枝攪再以好風化石灰一升入藥灰湯內攪勻取出候冷過宿成于小白磁罐內凡遇諸惡瘡點在當頭一日二次之日又一次瘡頭食破約五分血水出為妙恐日久藥乾將前收留灰湯入之

烏龍膏 一名烏金散 一切腫毒癰疽收赤瘡

木別子 去壳 半夏 各二兩 小粉 四兩 草烏 五錢

右於鉄銚內慢火炒令轉焦為細末出火毒再研以水調稀稠得所敷毒四圍留頂出氣或以

醋調亦得

透膿散 諸瘰疽瘡及貼骨瘰不破者不必刀針

以此點之不移時其膿自透累驗

蛾口繭子出蛾有口者右燒存性以酒調服切記只

用一枚不可多用如用二三枚即有二三口也

慎之此方絕驗勿忽

通門散 一切瘡疽無頭腫痛 山梔子三錢

大黃二錢 牡蠣炒五錢 地龍去七錢 炙甘草五錢

每服六七錢水煎服以利為度

乳香拔毒散 一切瘡腫瘰疽消毒 黃芩各二兩

黃栢 地骨皮 乳香 沒藥各二錢

為末涼水調攤貼腫處効

立効散 發背諸瘰癧瘰癧乳瘰與前方間服神

効 皂角刺不用枯者剉而炙炒 生粉草二兩

乳香五錢 沒藥一兩 括萎五枚取肉炒

右為末每服二錢無灰酒調下

灸法 瘰疽初發小點一二日間急以大蒜頭橫

切如錢貼其中心以小艾炷灸之五壯而止若

形狀稍大以黃稈紙蘸酒全貼看先乾處為筋
脚於脚處灸之或兩處先乾皆灸但五七壯而
止 又法屈指從四圍尋按遇痛處是根就此
處重按深入自竟輕快即此灸之更於別處灸
若腫大即搗蒜餅焙乾蘸法醋炙熱更換頻爇
或以熨斗火於蒜上熨之逐次更換熱餅頻熨
如竟患處走散以綿帛覆蓋勿令氣泄俟少間
敷藥凡癰疽腫大如鰲之形須看頭向上下先
灸其 兩脚次灸其尾或紅筋走緊而長從

處灸之須留頭并後兩脚勿灸設盡灸之不惟
火氣壅聚彼毒無所走散反攻入裏也倘辨認
不明以白芷三分 漢椒 桑白皮 各一錢
連根葱白十根 新水煎入酸醋半盞淋洗以
頃其筋自見可以辨認頭尾

萬病解毒丸 癰疽發背魚臍毒瘡藥毒草毒挑

生蛇毒獸毒諸惡瘡病 五倍子 錢五 山荳根

山慈姑 兩一 全蝎 錢五 紅牙大戟 錢七 射香 錢一

續隨子 取仁去油取霜各半兩 硃砂 雄黃 各二錢

右件先以前五味入木臼搗羅為細末次研後
 四味夾和糯米糊丸分作三十五丸端午七夕
 重陽臈日淨室修合每服一九生姜蜜水磨下
 井水浸研敷患處解毒收瘡救病神妙硃砂雄
 黃乃癆醫五毒攻乃癆中物也

加味八味丸 降心火生腎水治諸渴疾癰疽未

發前已癢後渴症通用 熟地黃焙二兩 山藥微炒

山茱萸蒸取肉焙 辣桂去粗皮 澤瀉截作塊酒

各一兩 牡丹皮焙 白茯苓各八錢 五味子慢火

半兩 右為細末煉蜜候冷和丸如梧桐子大每

服三十九丸空心鹽湯下

神仙太乙膏 治癰疽及一切惡瘡軟癬不問年

月深淺已未成膿並宜治之蛇虎傷蜈蚣犬咬

傷湯火刀斧所傷皆可內服外貼如發背先以

溫水洗瘡淨軟綿拭乾却用緋帛攤膏藥貼瘡

即用冷水下血氣不通溫酒送下赤白帶下當

歸酒下咳嗽及喉閉纏喉風並用新綿裹膏藥

置口中含化一切風赤眼用膏捏作小餅貼太

陽穴後服以山施子湯送下打撲傷損外貼內服橘皮湯腰膝痛者患處貼之內服鹽湯送下唾血者桑白皮湯下諸痛先以鹽湯洗淨諸血量大小以紙攤貼每服一九如櫻桃大蛤粉為衣其膏可收十年不壞愈久愈烈一方久遠癩癧同上癩瘡鹽湯洗淨貼酒下一九婦人血脈不通甘草湯下一切瘡癩并腫痛及疥癩別煉油少許和膏塗之 玄參 白芷 當歸 赤芍藥 肉桂 去粗皮 大黃 生地黄 各一兩

右剉碎用麻油二斤浸春五夏三秋七冬十火熬黑色濾去渣入黃丹一斤青柳枝不住手撓候滴水成珠不粘手為度傾入磁器中以磚蓋口掘子宮埋陰樹下以土覆三日出火毒欲服丸如鷄頭子大

神異膏 治發背癰疽諸般惡瘡癩其効如神治疽疾先以麥飯石膏塗敷俟其瘡根脚漸收放徑寸大脚用神異膏貼之收口此藥隨其人病深淺取効合時不可與婦人鷄犬猫厭穢物見

之玄參半兩杏仁去皮尖露蜂房淨炒一兩

者為男子亂髮洗淨焙乾五錢綿黃芪三分全蛇退洗焙

五錢黃丹飛細五兩右用真麻油一斤用髮入銀

銚中文武火熬候髮焦鎔尽以杏仁投入候變

黑色用好綿瀘去渣再將所熬清油入銚內然

後入玄參黃芪慢火熬一二時取出銚子安冷

炉上半時久火力稍息旋入露蜂房蛇退二味

將柳枝急攪却移銚放火上不住手攪慢火熬

至紫黃色用綿瀘過復入清油在銚內乘冷投

黃丹急攪片時又移銚于火上以文武火慢火

熬不住手柳枝攪千餘轉候藥油變黑色滴水

中凝結成珠則是膏成就若珠子稀再熬少時

必候其得所然後磁器內收封待用或恐偶然

火熬太過稍硬難用却少將膈熬麻油在內以

磁器盛封蓋於甑上蒸乘熱攪調收用膏藥熬

成了須連所盛磁器置淨水中出火盡一晝夜

歇三日方可用日換二次夜換一次熬此膏藥

極難於火候須耐看火緊慢火猛則藥中火發

不特失藥性又傷人面目救助不及千萬謹戒
膏藥方甚多不下數十治疽之神無出此方千
金不換杖瘡尤妙

萬金膏

治癰疽發背諸般瘡癤從高墜墮打撲
傷損脚膝生瘡遠年癰瘡痔漏一切惡瘡又云
專治發背神妙不可具言或初發若做瘡用牛
皮膠令稀稠得所如藥化攤在毛頭上於初發
處或有做瘡處貼次用軟布帕子二條於醃米
醋內煮令熱漉出互相於熬紙上乘熱蒸熨不

可令布帕冷布帕二條不可都齊漉出常留一
條于醋內煮候蒸熨得一條冷時却取醋內煮
者熨之俟冷却又於醋內取熱布蒸熨庶幾常
得熱布替換即易見效若瘡痒乃是藥攻其病
須忍痒不止直候膿出將尽即濃煎貫衆湯候
溫洗去膠紙次日依前更洗若上有膿又如前
法蒸熨雖連數日蒸熨不妨但要瘡中膿尽瘡
乾為度然後用生肌紅玉散搽在瘡上即以萬
金膏貼每日一上或兩上每用再蒸熨並如前

先鋪膠帋于瘡上了亦如前用貫衆湯洗入膠

紙 龍骨 鱉甲 玄參 黃栢 草烏

黃連 烏賊魚骨 黃芩 白芨 白歛

猪牙皂角 木别子 當歸 白芷 川芎

厚朴去粗皮 槐枝 柳枝各四寸長 乳香另研

沒藥另研各半兩 黃丹水飛淨炒過 清麻油四斤八

赤色去粗秤 右除乳沒丹外餘藥入油內慢火

煎候白帋焦色去粗入黃丹一半不住手攪令

微黑色更入黃丹仍攪待滴入水中成珠不粘

手為度撓温下乳沒末撓勻磁器盛用時量瘡

大小攤紙貼之治諸患瘡加自然銅肉桂各一

分一方無當歸

磨風膏 治頭面五發瘡腫疥癬等疾及湯泡傷

磨風止痛滅癩痕 白附子 白芍藥 白芨

苓零令香 白芨 白歛 白芷 白檀

藿香 升麻 細辛 黃芪 甘草 杏仁去

尖各一兩 腦子 括萎根一大 栝萎二兩 黃臈

芝麻油 右前十四味剉油內浸百日於臈日

木火炭上銀石器內煎至白芷微黃色離火入
括萎二味着內煮百沸重綿濾去粗再慢火上
煉油香下削淨黃臈熔開為度傾在磁器內收
貯上搽腦子密封旋用磨風塗之

金絲萬應膏

治癩撲傷損手足肩背并寒濕脚

氣疼痛不可忍小兒脾疳瀉痢咳嗽不肯服藥

者

瀝清

二斤半

威靈仙

二兩

草麻子

二百枚

黃臈

二斤

木別子

一十八枚

沒藥

乳香

各一兩

麻油

夏二兩春
秋各四兩

右先將瀝清同威靈仙下鍋熬化以槐柳枝撓
候焦黃色重綿濾過以瀝清入水盆候冷成塊
取出秤二斤淨再下鍋熔開下麻油黃臈草麻
子泥不住手槐柳枝撓勻須慢火滴入水中不
粘手扯拔如金絲狀方可如硬旋再加油少許
如軟加瀝清試得如法却下乳香沒藥末起鍋
在炭火上再用槐柳枝撓數百次又以粗布漉
下水盆內扯拔如金絲頻換水却用小銚盛頻
如落馬墜車被傷疼痛處穴上炙熱貼透骨肉

為驗連換熱水數次浴之則熱血聚處自消小兒脾疳瀉痢貼肚上咳嗽貼背心上

洗藥神硝散 專治癰疽潰爛臭穢 朴硝

蛇床子研二兩破右二味和勻每用三錢水一碗

三五沸通手洗瘡上用後藥搽之

聖効散 收斂瘡口 黃栢一兩去粗皮炒赤色 穿山甲

炒黃色 煨榔 木香各半兩炒黃色 右為末每用必

候大膿出尽洗淨方可乾搽瘡上

阿膠飲 一切癰疽癰毒 牛膠剉碎

橘紅錢五 分三帖水煎服

家藏神驗血竭膏 當歸酒洗 白芷 大黃

黃栢 木别子去壳 皂角 杏仁 露蜂房各

乳香 沒藥 血竭各三兩 血余一兩 飛丹一兩

麻油斤二 右除乳沒血竭餘藥入油熬焦去渣熬

至滴水成珠下丹將柳樹棍不住手攪軟硬適

中入乳香等攪勻即成膏矣 薛立齋云血竭

取其以毒攻毒也若惡瘡已去毒氣既消宜用

神効當歸膏以其主肌續筋也

李氏云癰疽不服內托散及失宣通內毒以致咽
喉口舌生瘡甚則生紅黑菌宮人甚速當用琥
珀犀角膏治之向有患此症者諸法不効與此
藥一日而安

琥珀犀角膏

真琥珀

犀角

辰砂

飛

茯苓

各三錢

冰片

二分

人參

三錢

酸棗

炒二錢

右為末

煉蜜丸

彈子大每服一九麥門冬湯化下

李氏云癰疽不服托裏之藥熱毒內攻喉舌生瘡
甚至黑爛當服犀角散以解其毒

犀角屑

玄參

升麻

黃芪

亦芍

麥門冬

去心

生粉草

當歸

各一兩

大黃

微炒

三兩

右為粗末每服三錢水煎

薛氏云前方破血降火內疎之劑也若其脉沉寒
大便秘結發熱作渴喜飲冷者屬熱蓄於內方
可用之若其脉虛浮大便不結發熱作渴畏飲
冷者乃屬血虛於外可用當歸補血湯若尺脉
洪數而無力發熱作渴小便頻數者屬腎水不
足虛火上炎宜用加減八味丸蓋此症多因腎

水虧虛火上炎故也

內托黃耆丸 治針砭所傷惡寒發熱膿水不止

肌肉不生瘡口不斂 黃耆兩 川歸酒洗 兩

白桂心 木香 沉香 乳香各一兩 荒豈末四兩

右為末以姜汁打荒豈末糊為丸白湯吞

薛氏云若肌肉傷而瘡口不斂用六君子湯以補

脾胃 若氣虛惡寒而瘡口不斂用補中益氣

湯以補脾肺若血虛發熱而瘡口不斂用四物

參朮以滋肝脾 若膿多而瘡口不斂用八珍

湯或十全大補湯以養血氣經云脾主肌肉如

前藥未應但用四君歸耆以補脾胃更不應乃

下元陽虛急用八味丸以壯火生土若脉數發

渴者難治此真氣虛而邪氣實也

李氏云近有數人病背疽或先寒後熱先熱後寒

或連日或間日必嘔痰大汗而止皆用柴胡恒

山不應乃脾氣不正復感寒邪痰盛而作遂先

用不換金正氣散次用排膿內補散木香湯三

日而愈 若外邪既去而仍嘔不止宜用六君

子湯以補脾胃○大凡胃氣虛而作嘔者必喜
溫熱毒內攻而作嘔者必喜冷治當辯之

家傳不換金正氣散 治感冒風寒或傷生冷或

瘴癘或疫癘 蒼木米泔浸炒四兩 厚朴姜汁拌炒四兩

炙粉草二兩 橘紅三兩 藿香葉 半夏姜制二兩 木香濕蘘

人參 白茯苓各一兩 右每服五錢加姜枣水煎服

凡疽愈後忽發渴而不救者十有八九或先渴而
患疽者尤為難治急用加減八味丸可免前患
如能久服永不作渴亦無疽症且氣血皆壯有

神劑也

薛氏云前症屬腎水枯涸虛火上炎口乾作渴飲

水無度或舌黃作裂小便頻數或痰氣上壅煩

躁不寧或二三年先作渴飲水或口舌生瘡兩

足發熱多痰或瘡愈三年而口乾作渴小便頻

數急用前藥多有復生者能逆知其因預服前

丸可免此患若兼手足厥冷真陽虛也宜服八

味丸大凡瘡後審其腎水不足用加減八味丸

中氣虛弱用補中益氣湯氣血虛弱用十全大

補湯陽氣虛寒加姜桂如不應八味丸

加減八味丸 熟地黄八兩 乾山藥 山茱萸去核

五味子炒各四兩 肉桂一兩 牡丹皮 白茯苓各三兩

澤瀉切片蒸五兩 右煉蜜為丸梧子大每服八十

九五更未言語前白湯下

黃耆六一散 黃耆六兩 粉草半生半炙一兩

右為末每服二錢空心日午白湯調下不應作

大劑水煎服

薛氏云忍冬丸解熱毒消渴之藥也六一湯補氣

虛作渴之藥用之無有不驗

五味子湯 腎水枯涸口燥舌乾 五味子

麥門冬各一兩 黃耆炒三兩 人參二兩 炙甘草五錢

右每服五錢水煎服

此方乃滋其化元之劑設腎水既涸虛火上炎燥渴須佐以加減八味丸

李氏云疽疾將安每日常服十全大補湯以補氣

血宜與排膿內補十宣散相間服

薛氏云潰瘍屬氣血俱虛補之固當若患腫瘍而

氣血虛弱者尤宜預補否則潰而不斂凡大病之後氣血未復多致再發若不調補必變為他症而危或誤以為瘡毒復發反行攻伐速其斃也深可戒諸

神効托裏散 治一切癰疽發背腸癰

黃芪鹽水炙 忍冬葉 當歸各五錢 粉草二錢

右酒煎服渣敷患處 此乃托裏消毒之良劑也

神効瓜蒌散 治乳癰癰癰與立効散相間服

黃瓜蒌一枚 當歸尾 甘草節五錢 沒藥另研

右用酒三碗煎一碗分三次服未成即消已成

即潰

立効散 治癰疽癰癰 皂角刺半斤 粉草二兩

乳香 沒藥另末各二兩 黃瓜蒌五個連皮研碎

右每服一兩好酒煎服

薛氏云二方治癰疽癰癰解毒止痛通用之良劑

也若癰癰寒熱焮痛腫赤乃肝經氣病當清肝

火以養肝血若寒熱既止而核不消乃肝經之

血亦病也當養肝血以清肝火若初如豈粒着

於筋肉色不變內熱口乾精神倦怠久不消潰
乃脾肝虧損當健脾土培肝木外臺秘要云肝
腎虛熱則生癰矣病机云癰癰不係膏梁丹毒
因虛勞氣鬱所致補形氣調經脉其瘡自消若
悞下之必先犯病禁經禁矣

綠雲散

治五發毒瘡於背腦或手足

此方治金
石發疽果

有神

鳳尾草

形如鳳尾葉背有
金星灸乾一兩

粉草

一錢

用酒一碗煎三五沸入冷酒一碗飲之以醉為

度立効

